ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ԳԻՏԱԿԱՆ ԽՈՐՀՐԴԻ ՈՐՈՇՈՒՄ N 9

ք. Երևան

22 դեկտեմբերի 2023 թ.

«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄՈͰՄ ՄԱԳԻՍՏՐՈՍԱԿԱՆ ԹԵԶԻ ՊԱՏՐԱՍՏՄԱՆ ԵՎ ԳՆԱՀԱՏՄԱՆ ԿԱՐԳԸ ՀԱՍՏԱՏԵԼՈͰ ՄԱՍԻՆ

Դեկավարվելով «Երևանի պետական համալսարան» հիմնադրամի կանոնադրության 49-րդ կետի 4-րդ և ԵՊՀ գիտական խորհրդի աշխատակարգի 4-րդ կետի 4-րդ ենթակետերով՝ Երևանի պետական համալսարանի գիտական խորհուրդը որոշում է.

- 1. հաստատել «Մագիստրոսական թեզի պատրաստման և գնահատման կարգը՝ համաձայն Հավելվածի։
- 2. Սույն որոշումն ուժի մեջ է մտնում հրապարակման պահից:

ԵՊՀ ԳԻՏԱԿԱՆ ԽՈՐՀՐԴԻ ՆԱԽԱԳԱՀ

4. 4. 4N44UVVHU3UV

ՀԱՎԵԼՎԱԾ ԵՊՀ գիտական խորհրդի 2023 թ. դեկտեմբերի 22-ի թիվ 9 որոշման

> ԵՊՀ գիտական խորհրդի նախագահ Հ. Վ. Հովհաննիսյան

Կ Ա Ր Գ «ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄՈͰՄ ՄԱԳԻՍՏՐՈՍԱԿԱՆ ԹԵԶԻ ՊԱՏՐԱՍՏՄԱՆ ԵՎ ԳՆԱՀԱՏՄԱՆ

เ. ยบารุนบทะก กากเลดบะก

1. Սույն կարգով սահմանվում են «Երևանի պետական համալսարան» հիմնադրամում (այսուհետ` ԵՊՀ) մագիստրոսական թեզի պատրաստման և գնահատման կարգն ու պայմանները։

Մագիստրոսական թեզն ինքնուրույն հետազոտական, վերլուծական և/կամ կիրառական նշանակության աշխատանք է, որը նպաստում է Որակավորումների ազգային շրջանակի համապատասխան մակարդակի, ինչպես նաև կրթական տվյալ ծրագրով նախատեսված կրթական վերջնարդյունքների ձեռքբերմանը։ Այն արտացոլում է տվյալ մասնագիտական ոլորտում ուսանողի ձեռք բերած գիտելիքները կիրառելու ու ինքնուրույն ուսումնասիրություն կատարելու կարողությունները, ինչպես նաև գիտական խնդիրներ բարձրացնելու ու նոր լուծումներ առաջադրելու հմտությունները։

- 2. Մագիստրոսական թեզի հրապարակային պաշտպանությունը մագիստրոսի կրթական ծրագրի ավարտական պահանջներից է։
- 3. Մագիստրոսական թեզը մագիստրոսի կրթական ծրագրի ամփոփիչ բաղադրիչն է, որի պատրաստումն ու պաշտպանությունն առկա ուսուցման դեպքում իրականացվում են 1-4-րդ կիսամյակներում, իսկ հեռակա ուսուցման դեպքում՝ 2-5-րդ կիսամյակներում (տե՛ս Հավելված 5 և 6):
- 4. Թեզի պատրաստման ու պաշտպանության համար կրթական ծրագրում (ըստ տևողության) նախատեսվում է 24, 18 և 12 կրեդիտ աշխատածավալ։
- 5. Մագիստրոսական թեզը կարող է համատեղ իրականացվել մասնագիտական տարբեր ոլորտների երկու տարբեր կրթական ծրագրերում սովորող ուսանողների կողմից (տե՛ս Հավելված 7)։
- 6. Մագիստրոսի` 1 տարի տևողությամբ (60 ECTS) կրթական ծրագրերում թեզն ունի կիրառական ուղղվածություն։

II. ՄԱԳԻՍՏՐՈՍԱԿԱՆ ԹԵԶԻ ԹԵՄԱՅԻ ԸՆՏՐՈԼԹՅՈ**Լ**ՆԸ

7. Մագիստրոսական թեզերի թեմաներն ու գիտական ղեկավարները հաստատվում են ուսումնական ստորաբաժանումների գիտական խորհուրդների կողմից և մուտքագրվում են էլեկտրոնային համակարգեր (SuperVision և e-learning.ysu.am) համաձայն 5-րդ ու 6-րդ հավելվածներում ներկայացված ժամանակացույցների։

- 8. Թեզերի թեմաները կարող են առաջարկվել ինչպես ուսանողի, այնպես էլ կրթական ծրագիրն իրականացնող ուսումնական ստորաբաժանման կողմից՝ ելնելով տվյալ կրթական ծրագրի առանձնահատկություններից։
- 9. Մագիստրոսական թեզի վերնագիրը կարող է խմբագրվել մինչև ավարտական կիսամյակի մեկնարկը, եթե առկա է կրթական ծրագիրն իրականացնող ամբիոնի համապատասխան հիմնավորումը։

III. ԳԻՏԱԿԱՆ ՂԵԿԱՎԱՐԸ

- 10. Մագիստրոսական թեզի գիտական ղեկավար կարող է լինել ԵՊՀ ուսումնական ստորաբաժանման կամ տվյալ ոլորտի գիտական աստիձան ու կոչում ունեցող ՀՀ և օտարերկրյա մասնագետը։
- 11. Առանձին դեպքերում մագիստրոսական թեզ կարող են ղեկավարել համապատասխան մասնագիտական ոլորտի գիտական աստիձան չունեցող մասնագետներն ու դասախոսները, եթե առկա են ուսումնական ստորաբաժանման հիմնավորումն ու ԵՊ< ուսումնական գործընթացները համակարգող պրոռեկտորի թույլտվությունը։
- 12. Մագիստրոսական թեզը կարող է ունենալ համաղեկավար։ Մագիստրոսական թեզի համաղեկավար կարող է լինել ինչպես ԵՊՀ այլ ուսումնական ստորաբաժանման, այնպես էլ տվյալ ոլորտի գիտական աստիձան ու կոչում ունեցող ՀՀ և օտարերկրյա հրավիրյալ մասնագետը կամ համապատասխան մասնագիտական ոլորտի (պետական կամ մասնավոր) աշխատաշուկայի ներկայացուցիչը։
 - 13. Գիտական ղեկավարի պարտականություններն են.
- 1) խորհրդատվություն թեզի պատրաստման աշխատանքային պլանի (ժամանակացույցի) և դրա իրականացման վերաբերյալ,
- 2) թեմային առնչվող գիտական աղբյուրների ընտրության և օգտագործման վերա-բերյալ առաջարկություններ,
- 3) խորհրդատվություն` տվյալների հավաքագրման և հետազոտության պլանի մշակման վերաբերյալ,
- 4) թեզի կատարման ժամանակացույցի և ուսանողի կատարած աշխատանքների ընթացքի վերահսկում էլեկտրոնային հարթակում (e-learning),
- 5) ամբիոնի նիստերում թեզի իրականացման ընթացքի և ժամկետների պահպանման վերաբերյալ տեղեկատվության ներկայացում (ըստ կիսամյակների),
 - 6) խորհրդատվություն` ելույթի պատրաստման և պաշտպանության վերաբերյալ,
- 7) տեղեկատվության տրամադրում` սույն կարգի դրույթների, պահանջների և գնահատման չափանիշների ու չափորոշիչների վերաբերյալ,
- 8) թեզի վերաբերյալ «Գիտական ղեկավարի կարծիքի» ներկայացում (տե՜ս Հավելված 3),
- 9) հետազոտական էթիկայի չափորոշիչների վերաբերյալ տեղեկատվության տրամադրում։

15. Մագիստրոսական թեզը պատրաստող ուսանողն ատեստավորվում է համապատասխան կրթական ծրագիրն իրականացնող ամբիոնի կողմից սահմանված ժամկետներում (տե՛ս Հավելված 5 և 6)։

- 16. Ատեստավորումն իրականացվում է ուսանողի կողմից թեզի պատրաստման ընթացքի վերաբերյալ յուրաքանչյուր կիսամյակ էլեկտրոնային հարթակ (e-learning) վերբեռնված հաշվետվության հիման վրա։
- 17. Էլեկտրոնային հարթակում ուսանողի կողմից հաշվետվության ներկայացման վերահսկողությունն իրականացնում է գիտական ղեկավարը` յուրաքանչյուր կիսամյակ համապատասխան նշում կատարելով։
- 18. Ատեստավորումը չանցած (սույն կարգով ներկայացված պահանջները չկատարած ու սահմանված ժամկետներում հաշվետվությունը չներկայացրած) ուսանողը հեռացվում է համալսարանից ակադեմիական անբավարար առաջադիմության պատձառով։

V. ՄԱԳԻՍՏՐՈՍԱԿԱՆ ԹԵԶԻ ՕՐԻՆԱԿԵԼԻ ԿԱՌՈͰՑՎԱԾՔԸ

19. Մագիստրոսական թեզի օրինակելի կառուցվածքը ներկայացված է Աղյուսակ 1-ում։

<u>Աղյուսակ 1.</u> Մագիստրոսական թեզի օրինակելի կառուցվածքն ու ներկայացվող պահանջները

պաոասջսերը				
Կառուցվածքը	Ներկայացվող պահանջները			
Տիտղոսաթերթ	Տիտղոսաթերթը լրացվում է` համաձայ			
	Հավելված 1-ում ներկայացված ձևաչափի։			
Ստորագրությունների էջ	Մագիստրոսական թեզի տիտղոսաթերթին հաջոր-			
	դող էջում ստորագրում են ուսանողը, գիտական			
	ղեկավարն ու ամբիոնի վարիչը (տե՛ս Հավելված			
	2):			
Համառոտագիր	Տրվում են թեզի հայերեն, ռուսերեն և անգլերեն			
	անվանումները, իսկ նպատակն ու ստացված ար-			
	դյունքները ներկայացվում են միայն հայերեն (0,5-			
	1 էջ):			
<i>Բովանդակություն</i>	Ըստ հերթականության` ներկայացվում են թեզի			
	բոլոր բաժինները, դրանց համապատասխան			
	էջերը, ինչպես նաև հավելվածները, որոնք կցվում			
	են թեզին։			
<i></i> Մերածություն	- Մերկայացվում են թեմայի արդիականությունը,			
	նպատակն ու խնդիրները, ուսումնասիրության			
	օբյեկտն ու առարկան, վարկածը, տեսական և			
	մեթոդաբանական հիմքերը, գիտական և/կամ			
	կիրառական նշանակությունը։			
Հիմնական մաս	Աշխատանքի հիմնական մասը բաղկացած է			
	գլուխներից ու ենթագլուխներից։ Այն ներառում է			
	օգտագործված գրականության ու ուսումնասիր-			
	վող հիմնախնդրի վերլուծությունը, կիրառված մե-			
	թոդների ու կատարված հետազոտության նկարա-			
	գրությունը, ուսումնասիրության արդյունքների շա-			
	րադրումն ու վերլուծությունը, մեկնաբանություն-			

	ներ և ամփոփում։
Եզրակացություններ	Ներկայացվում են եզրակացությունները, որոնցում
և առաջարկություններ	ամփոփվում են աշխատանքի նշանակալի ար-
	դյունքները։ Կարող են ներկայացվել նաև առա-
	ջարկություններ։
Оգտագործված	Նշվում է միայն այն գրականությունը, որն օգտա-
գրականության ցանկ	գործվել է թեզը շարադրելիս, և որին համապա-
	տասխան հղումներ են արված։
Հավելվածներ	Առկայության դեպքում կցվում են թեզին։

VI. ՄԱԳԻՍՏՐՈՍԱԿԱՆ ԹԵԶԻ ՁԵՎԱՎՈՐՄԱՆ ՊԱՀԱՆԶՆԵՐԸ

- 20. Մագիստրոսական թեզը պաշտպանության է ներկայացվում համակարգչային շարվածքով՝ տպագիր (կազմված) ու էլեկտրոնային տարբերակով։ Թղթի չափսը՝ A4 (210 մմ x 297 մմ), լուսանցքները՝ ձախից 3.0 սմ, աջից՝ 1.5 սմ, վերևից՝ 2.0 սմ և ներքևից՝ 2.5 սմ։ Նյութը տպվում է թերթի միայն մեկ երեսին։ Տեքստը մուտքագրվում է «Յունիկոդ» (Unicode) կոդավորման համակարգի տառատեսակների կիրառմամբ։ Վերնագրերն ու տեքստը շարվում են 12 pt տառաչափով, միջտողային հեռավորությունը՝ 1.5։ Գլուխների վերնագրերը գրվում են թավ (bold) ու գլխատառերով։ Յուրաքանչյուր գլուխ սկսվում է նոր էջից։ Պարբերությունները հավասարեցվում են երկու կողմերից, սկսվում են 1 սմ խորքից։ Թեզի բոլոր էջերը, ներառյալ հավելվածները, համարակալվում են ներքևում՝ կենտրոնում։ Համարակալումը սկսվում է բովանդակությունից, որը համարվում է 4-րդ էջ։
- 21. Աշխատանքում առկա աղյուսակները, նկարները, գծապատկերներն ու հավելվածները համարակալվում են, և դրանց տրվում են անվանումներ (անհրաժեշտության դեպքում տրվում են նաև ծանոթագրություններ)։ Նկարների, գծապատկերների, գծագրերի անվանումները, նշանակությունների բացատրությունները գրվում են դրանց ներքևում՝ մեջտեղում՝ 10 pt տառաչափով։ Աղյուսակների անվանումները գրվում են դրանց վերևում, իսկ հավելվածներինը՝ նոր էջի վերին աջ անկյունում։
- 22. Աշխատանքի վերջում տրվում է օգտագործված գրականության ցանկն ըստ այբբենական կարգի՝ հայերեն, անգլերեն, ռուսերեն և այլ լեզուներով հաջորդականությամբ։ Ցանկում գրականությունը ներկայացվում է բնագրի լեզվով։ Գրականության առանձին աղբյուրի ձևավորումն իրականացվում է ընդունված գիտական հրատարակությունների համար սահմանված մատենագիտական պահանջներին համապատասխան։ Ամսագրային հոդվածների համար նշվում են հեղինակ(ներ)ի ազգանունն ու անվան սկզբնատառերը` բնագրային տառադարձությամբ, հոդվածի վերնագիրը, ամսագրի լրիվ կամ ընդունված կրձատ անվանումը, հրատարակության տարեթիվը, հատորը, համարը (volume, issue) թիվը, էջերը, doi (եթե առկա է)։ Օրինակ` Desai D.A. , Lavelle M., Long-term of COVID-19, Am J Physiol Cell Physiol. 2022, complications 322(1): 11. doi: 10.1152/ajpcell.00375.2021): Գրքերի համար նշվում են հեղինակ(ներ)ի ազգանուն(ներ)ն ու անվան սկզբնատառ(եր)ը, այնուհետև՝ գրքի ամբողջական կամ ընդունված կրՃատ անվանումը, իրատարակման վայրը, իրատարակչությունը, իրատարակման թվականը, էջերի քանակը։ Համացանցում տեղադրված նյութերի դեպքում կիրառվում են նույն սկզբունքները` վերջում նշելով համապատասխան նյութի հղման հասցեն և ծանոթացման ամսաթիվը (օրինակ՝ ... // URL: http://www.info..., 14.06.2020):

Արհեստական բանականության տարբեր համակարգերից օգտվելիս (օր.՝ ChatGPT) անհրաժեշտ է նշել համապատասխան հղումը՝ հետևյալ սկզբունքով՝ հարթակը, ամսաթիվը (կիրառված տարբերակի (version) տարեթիվը), վերնագիրն ու սկզբնաղբյուրը (օրինակ՝ OpenAI. (2023). *ChatGPT* (Mar 14 version) [Large language model]. https://chat.openai.com/chat):

- 23. Հղումները տեքստում տրվում են ուղղանկյուն փակագծերում` ըստ գրականության ցանկում ներկայացված կարգային համարի ([1], [2-5], [3, 7, 9-11], [3, էջ 15], [7, էջ 5-9]) կամ նշելով հեղինակի ազգանունն ու հրատարակման տարեթիվը (Պողոսյան, 2015; Պետրոսյան և այլք, 2010), նաև տողատակում, ինչպես ներկայացվում է օրինակում¹:
- 24. Մագիստրոսական թեզի շարադրանքի նվազագույն ու առավելագույն ծավալները սահմանում են ուսումնական ստորաբաժանումների գիտական խորհուրդները՝ ելնելով մասնագիտական առանձնահատկություններից։

VII. ՄԱԳԻՍՏՐՈՍԱԿԱՆ ԹԵԶԻ ՆԱԽԱՊԱՇՏՊԱՆՈͰԹՅՈͰՆԸ, ԳՐԱԽՈՍՈͰՄԸ ԵՎ ՊԱՇՏՊԱՆՈͰԹՅՈՒՆԸ

- 25. Մագիստրոսական թեզի պատրաստումն ու պաշտպանությունն իրականացվում են համաձայն ԵՊՀ առկա ու հեռակա ուսուցման համակարգերի համար սահմանված ժամանակացույցների (տե՛ս Հավելված 5 և 6)։
- 26. Մագիստրոսական թեզ պատրաստող ուսանողին իրապարակային պաշտպանությանը նախապատրաստելու և վերջնական դիտարկումներ ու առաջարկություններ կատարելու նպատակով պաշտպանությունից 2 շաբաթ առաջ մասնագիտացնող ուսումնական ստորաբաժանման կողմից կազմակերպվում է մագիստրոսական թեզի նախապաշտպանություն՝ ամբիոնի վարիչի, մագիստրոսական ծրագրերի ղեկավարների, ինչպես նաև ուսանողի գիտական ղեկավարի մասնակցությամբ։
- 27. Նախապաշտպանության ընթացքում հանձնաժողովը լսում է ուսանողի ելույթը կատարված հետազոտության, օգտագործված գրականության և ստացված գիտական արդյունքի վերաբերյալ։ Հանձնաժողովը կարող է ուղղորդել ուսանողին ելույթի կառուց-վածքի և տրամադրված ժամանակն արդյունավետ օգտագործելու հարցում, ինչպես նաև խորհրդատվություն տրամադրել թեզի բովանդակության և կիրառված մեթոդաբանության վերաբերյալ։
- 28. Հանձնաժողովը քննարկում է մագիստրոսական թեզը, գիտական ղեկավարի բացասական կամ դրական կարծիքը և ուսանողի կողմից աշխատանքի ներկայացման արդյունքում կայացնում է հետևյալ որոշումներից որևէ մեկը.
 - 1) մագիստրոսական թեզր հրապարակային պաշտպանության թույլատրելու մասին,
- 2) մագիստրոսական թեզը հրապարակային պաշտպանության չթույլատրելու մասին, եթե այն չի համապատասխանում սահմանված պահանջներին, կամ հայտնաբերվել է ակադեմիական ազնվության նորմերի խախտում,
- 3) մագիստրոսական թեզը լրամշակելու նպատակով լրացուցիչ ժամանակ տրամադրելու վերաբերյալ (ոչ ավել, քան մեկ շաբաթ)։
- 29. Ուսումնական ստորաբաժանումը կազմում է նախապաշտպանության հանձնաժողովի որոշման վերաբերյալ արձանագրություն։

¹ Ասլանյան Լ., Ալավերդյան Ռ., Լույսի բևեռացումը և նրա հետազոտումը, ուս. ձեռնարկ, Երևան, ԵՊՀ հրատ., 2014, էջ 53:

- 30. Նախապաշտպանության հանձնաժողովի կողմից աշխատանքը պաշտպանության թույլատրելու դեպքում ուսումնական ստորաբաժանումը կազմակերպում է մագիստրոսական թեզի արտաքին գրախոսումը, որը ուսումնական ստորաբաժանման որոշմամբ կարող է իրականացվել նաև «կույր» գրախոսման ձևաչափով։
- 31. Նախապաշտպանության արդյունքում պաշտպանությանը չթույլատրված կամ նախապաշտպանությանը չներկայացած ուսանողը հեռացվում է համալսարանից ակադեմիական անբավարար առաջադիմության պատձառով։
- 32. Մագիստրոսական թեզի արտաքին գրախոսումը կարող են իրականացնել ՀՀ և այլ բուհերի կամ կրթական ծրագրեր իրականացնող հաստատություների գիտական աստիձան ունեցող դասավանդողները, ինչպես նաև տարբեր հաստատությունների համապատասխան մասնագետները։
- 33. Գրախոսների կազմն առաջարկվում է ուսումնական ստորաբաժանման կողմից և ներբեռնվում էլեկտրոնային համակարգ (SuperVision):
- 34. Գրախոսը սահմանված ժամկետում իր կարծիքը (տե՛ս Հավելված 4, 5 և 6) ներկայացնում է ուսումնական ստորաբաժանում։
- 35. Հրապարակային պաշտպանության ժամանակ գրագողության հայտնաբերման դեպքում աշխատանքը գնահատվում է «անբավարար»։
- 36. Մագիստրոսական թեզի պաշտպանությանը թույլատրված, բայց չներկայացած կամ «անբավարար» գնահատված ուսանողը կարող է պաշտպանել թեզը (նոր կամ նախկինում հաստատված թեմայով) հաջորդ ուսումնական տարիներին։
- 37. Մագիստրոսական թեզի հրապարակային պաշտպանությունը ձայնագրվում է, և ձայնագրությունը պահպանվում է առնվացն 24 ժամ։
- 38. Մագիստրոսական թեզի հրապարակային պաշտպանությունն իրականացվում է համաձայն ՀՀ կրթության և գիտության նախարարի 2017 թ. նոյեմբերի 7-ի թիվ 1282-Ն հրամանով հաստատված «ՀՀ բարձրագույն մասնագիտական կրթական ծրագրեր իրականացնող հաստատությունների շրջանավարտների ամփոփիչ ատեստավորման» կարգի։

VIII. ՄԱԳԻՍՏՐՈՍԱԿԱՆ ԹԵԶԻ ԳՆԱՀԱՏՈՒՄԸ ԵՎ ԲՈՂՈՔԱՐԿՈՒՄԸ

- 39. Մագիստրոսական թեզի գնահատումն իրականացվում է 20-միավորանոց սանդղակով` համաձայն սահմանված չափանիշների և դրանց համապատասխան չափորոշիչների (տե՜ս Աղյուսակ 2)։
- 40. Մագիստրոսական թեզի գնահատականը ենթակա է բողոքարկման ամփոփիչ ատեստավորման հանձնաժողովի կողմից ընթացակարգային խախտումների առկայութ-յան դեպքում։
- 41. Մագիստրոսական թեզի գնահատման արդյունքները հայտարարվում են պաշտպանության օրը։ Հրապարակումից հետո մեկ ժամվա ընթացքում ուսանողը հանձնաժողովի նախագահին կարող է ներկայացնել գրավոր բողոք, որը քննարկվում է նույն օրը հանձնաժողովի նիստում։
- 42. Բողոքարկմանն անիրաժեշտության դեպքում կարող է մասնակցել հաստատության վարչական անձնակազմի (ուսումնական ստորաբաժանման ղեկավար, ուսումնամեթոդական ստորաբաժանման ներկայացուցիչ)` տվյալ հանձնաժողովի անդամ չհանդիսացող աշխատակիցը։

- 43. Ուսանողի ներկայությամբ հանձնաժողովը լսում է պաշտպանության ձայնագրությունն ու ձայների պարզ մեծամասնությամբ կայացնում հետևյալ որոշումներից մեկը՝
 - 1) գնահատականը թողնել անփոփոխ,
 - 2) գնահատականը բարձրացնել,
 - 3) գնահատականը իջեցնել։
- 44. Բողոքարկման հանձնաժողովը կայացված որոշման վերաբերյալ կազմում է լրացուցիչ արձանագրություն, որը ստորագրում են հանձնաժողովի բոլոր ներկա անդամները։
 - 45. Բողոքարկումից հետո ամրագրված գնահատականը փոփոխման ենթակա չէ։

IX. ԵԶՐԱՓԱԿԻՉ ԵՎ ԱՆՑՈͰՄԱՅԻՆ ԴՐՈͰՅԹՆԵՐ

- 46. Սույն կարգը տարածվում է 2023-2024 ուսումնական տարվանից և դրանից հետո ԵՊՀ ընդունված կամ ուսանողական իրավունքները վերականգնած, տեղափոխված ուսանողների վրա։
- 47. Սույն կարգի 16-17-րդ կետերի դրույթները (էլեկտրոնային հարթակում (e-learning) վերբեռնման մասով) չեն տարածվում 2023-2024 ուսումնական տարում ընդունված և 1 տարի (60ECTS) ուսման տևողություն ունեցող կրթական ծրագրերով սովորող ուսանողների վրա։

<u>Աղյուսակ 2.</u> Մագիստրոսական թեզի գնահատման չափանիշները, չափորոշիչներն ու հատկացվող միավորները

Ուսանողի ազգանուն, անո	ւն, հայրանուն
------------------------	---------------

Թեզի թեման

Հանձնաժողովի անդամ` գիտ. աստ., կոչում, ազգանուն, անուն

Գնահատման չափանիշ/	Չափորոշիչ	Հատկացվող միավոր	Ընդհանուր
առավելագույն միավոր			միավոր
Աշխատանքի արդիականու-	1.1. Հիմնավորված է հետազոտության արդիականությունը, ձևակերպված է	□ - 1	
թյան հիմնավորումն ու	իիմնախնդիրը։	□ - 0	
մասնագիտական գրակա-	1.2. Կատարված են թեմային առնչվող անհրաժեշտ գրականության	□-1	-
նության վերլուծությունը	վերլուծությունն ու ամփոփումը։	□ -0	
Առավելագույնը` 2 միավոր			
	2.1. Աշխատանքի օբյեկտը, առարկան, նպատակը, խնդիրները,	□ - 2	
	վարկածը Ճիշտ են ձևակերպված և համապատասխանում են թեմային։	□ - 1	
		□ - 0	
	2.2. Ընտրված մեթոդները համապատասխանում են աշխատանքի	□ - 2	
Հետազոտության իրակա-	նպատակին ու խնդիրներին։	□ - 1	
նացումն ու արդյունքները		□ - 0	
Առավելագույն միավորը` 8	2.3. Ստացված արդյունքներն ու դրանց վերլուծությունը հիմնավորված են,	□ - 2	
	արված են համապատասխան եզրակացություններ։	□ - 1	
		□ - 0	
	2.4. Աշխատանքում առկա է նորույթ, արված են տեսական ու կիրառական	□ - 2	
	բնույթի նորարարական առաջարկներ։	□ - 1	
		□ - 0	

Աշխատանքի շարադրումը և ձևավորումը	3.1. Աշխատանքը շարադրված է հստակ, գրագետ և տրամաբանված։ Թեզի գլուխների ու ենթագլուխների բաժանումն ու անվանումները համապատասխանում են բովանդակությանը։	□ - 1 □ - 0	
Առավելագույն միավորը` 2	3.2. Աշխատանքը ձևավորված է ըստ տրված տեխնիկական պահանջների: Առկա են հետազոտությունն ու արդյունքները հիմնավորող տվյալները (օրինակ՝ աղյուսակներ, նկարներ, սխեմաներ, մեջբերումներ և այլն):	□ - 1 □ - 0	
	4.1. Զեկույցում (ցուցադրության մեջ) հիմնավորվում են աշխատանքի արդիա- կանությունը, վարկածը, նպատակը, խնդիրներն ու մեթոդները։ Ներկայացվում են աշխատանքի բովանդակությունը, արդյունքներն ու եզրակացությունները։	□ - 2 □ - 1 □ - 0	
Աշխատանքի հրապարա- կային պաշտպանությունը	4.2. Ձեկույցը հստակ է ու հետևողական, զեկուցողը կարողանում է ներ- կայացնել և բացատրել կատարված հետազոտական աշխատանքը, հիմնավորել արդյունքները:	□ - 2 □ - 1 □ - 0	
Առավելագույնը` 8 միավոր	4.3. Հարցերին ու դիտողություններին (այդ թվում` գրախոսի կողմից ներկայացված) զեկուցողը տալիս է հիմնավորված և սպառիչ պատասխաններ։	□-4 □-3 □-2 □-1 □-0	
	Արդյունարար առավելագույն միավոր <u>ը</u> ` 20		

brull 18 pt, Bold

 ՖԱԿՈͰԼՏԵՏ/ԿԵՆՏՐՈՆ/ԻՆՍՏԻՏՈͰՏ [18 pt, Bold] ԱՄԲԻՈՆ [16 pt, Bold] ԿՐԹԱԿԱՆ ԾՐԱԳԻՐ [18 pt, Bold]
ԱԶԳԱՆՈԻՆ ԱՆՈԻՆ ՀԱՅՐԱՆՈԻՆ [18 pt, Bold]
ՄԱԳԻՍՏՐՈՍԱԿԱՆ ԹԵՉ [18 pt, Bold] ԹԵՄԱՅԻ ԱՆՎԱՆՈͰՄ [16 pt, Bold]

ԵՐԵՎԱՆ 2024 [13 pt, Bold]

աստիՃանի հայցման համար [14, Bold, Italic]

______ » մասնագիտությամբ

_____ մագիստրոսի որակավորման

<i>Οιυω</i> ίνη `	[13 pt, Bold, Italic]	
иտпршарпів		
ազգանուն, անուն		
Observative Continue to the second	540 4 D 14 W " 1	
Գիտական ղեկավար` ստորագրություն	[13 pt, Bold, Italic]	
22		
գիտ. աստիՃան, կոչում, ազգանուն, անուն		
«Թույլատրել պաշտպանության»		
ինորոնի վարիչ՝	[13 pt, Bold, Italic]	
Ամբիոնի վարիչ`	[13 pt, Bold, Italic]	
дիип. ши	ստիձան, կոչում, ազգանուն, անուն	
22		

գԻՏԱԿԱՆ ՂԵԿԱՎԱՐԻ ԿԱՐԾԻՔ

ԵՊՀ մագիստրատուրայի ուսանող(ուհի)

	-h
(ազգանուն, անուն, հայրանուն)	_ 1.
(թեմայի անվանումը)	
մագիստրոսական թեզի վերաբերյալ	
1. Աշխատանքի արդիականությունն ու կարևորությունը	
2. Ուսանողի` ինքնուրույն հետազոտություն կատարելու, տվյալներ մշակելու և հիմնավորված եզրակացություններ անելու կարողությունը	 !
3. Աշխատանքում նորույթ պարունակող տարրերի առկայությունը	
4. Կատարված աշխատանքի դրական կողմերն ու թերությունները	
5. Թեզի ձևավորման համապատասխանությունը սույն կարգի պահանջներին	

6. E-learning էլեկտրոնային հարթակում թեզի կատարման ընթացքն ու ժամկետների պահպանումը	
Եզրակացություն ` (բացասական կամ դրական) սահմանված պահանջներին մագիստրոսական թեզի համապատասխանության անհամապատասխանության վերաբերյալ:	կամ
Գիտական ղեկավար`	
(ազգանուն, անուն, հայրանուն)	-
(գիտական աստիձան և կոչում)	_
(աշխատանքի վայրը, պաշտոնը)	-
Ստորագրություն	

ԳՐԱԽՈՍԻ ԿԱՐԾԻՔ

ԵՊՀ մագիստրատուրայի ուսանող(ուհի)

-h
(ազգանուն, անուն, հայրանուն)
(թեմայի անվանումը)
մագիստրոսական թեզի վերաբերյալ²
1. Աշխատանքի արդիականության հիմնավորումն ու գրականության վերլուծությունը
2. Հետազոտության իրականացումն ու արդյունքները
3. Աշխատանքի շարադրումն ու ձևավորումը

² Գրախոսը նախապես պետք է ծանոթ լինի մագիստրոսական թեզի` սույն կարգում սահմանված գնահատման չափանիշներին։

Դիտողություններ
Եզրակացություն (Աշխատանքը բավարարում է/չի բավարարում մագիստրոսական թեզին ներկայացվող պահանջները, հեղինակն արժանի է տվյալ մասնագիտությամբ մագիստրոսի որակավորման աստիձանի շնորհմանը։)
(ազգանուն, անուն, hայրանուն)
(գիտական աստիձան և կոչում)
(աշխատանքի վայրը, պաշտոնը)
Ստորագրություն
«»20p.

44461440 5.

Մագիստրոսական թեզի պատրաստման, ատեստավորման ու պաշտպանության ժամանակացույց (առկա ուսուցմամբ` ըստ ուսման տևողության)

Nº	Գործողություն	Վերջնաժամկետ		
		1 տարի	1,5 տարի	2 տարի
1.	Մագիստրոսական թեզի թեմայի ընտրություն ու հաստատում Գիտական ղեկավարի նշանակում Տվյալների մուտքագրում էլեկտրոնային համակարգեր (SV և e-learning)	1-ին կիսամյակ` Հոկտեմբեր	1-ին կիսամյակի Ավարտ	1-ին կիսամյակի ավարտ
2.	Թեզի կատարման աշխատանքային պլանի (ժամանակացույցի) կազմում Հետազոտության պլանի մշակում Հետազոտության մեթոդների ընտրություն Գրականության վերլուծություն/մշակում Վերոնշյալ գործողությունների վերաբերյալ հաշվետվության մուտքագրում էլեկտրոնային հարթակ (e-learning)` ատեստավորման համար	1-ին կիսամյակի ավարտ	2-րդ կիսամյակի ավարտ	2-րդ կիսամյակի ավարտ
3.	Թեզի հետազոտական մասի կատարում Վերոնշյալ գործողության վերաբերյալ հաշվետվության մուտքագրում էլեկտրոնային հարթակ (e-learning)՝ ատեստավորման համար Ուսանողի կողմից կատարված աշխատանքի վերաբերյալ հաղորդում գիտական սեմինարների ընթացքում	1-ին կիսամյակի ավարտ	2-րդ կիսամյակի ավարտ	3-րդ կիսամյակի ավարտ
	Հետազոտության արդյունքների ամփոփում	2-րդ կիսամյակ	3-րդ կիսամյակ	4-րդ կիսամյակ

4.	Թեզի հանձնում ծրագիրն իրականացնող ուսումնական ստորաբաժանում	պաշտպանությունից առնվազն 4 շաբաթ առաջ	պաշտպանությունից առնվազն 4 շաբաթ առաջ	պաշտպանությունից առնվազն 4 շաբաթ առաջ
5.	Գիտական ղեկավարի կարծիքի ներկայացում ուսումնական ստորաբաժանում Ուսանողի կողմից գիտական ղեկավարի կարծիքի մուտքագրում էլեկտրոնային հարթակ (e-learning) Թեզի նախապաշտպանություն` էական դիտողություն-ների առկայության դեպքում մեկ շաբաթվա ընթացքում աշխատանքի լրամշակում	2-րդ կիսամյակ պաշտպանությունից առնվազն 2 շաբաթ առաջ	3-րդ կիսամյակ պաշտպանությունից առնվազն 2 շաբաթ առաջ	4-րդ կիսամյակ պաշտպանությունից առնվազն 2 շաբաթ առաջ
6.	Մագիստրոսական ծրագիրն իրականացնող ուսումնական ստորաբաժանման կողմից աշխատանքի արտաքին գրախոսության կազմակերպում Նախապաշտպանությունից հետո 2 աշխատանքային օրվա ընթացքում աշխատանքի ներկայացում արտաքին գրախոսին Գրախոսի տվյալների մուտքագրում էլեկտրոնային համակարգ (SV) Գրախոսի կարծիքի ներկայացում ուսումնական ստորաբաժանում պաշտպանությունից առնվազն 3 օր առաջ Ուսանողի կողմից գրախոսի կարծիքի մուտքագրում էլեկտրոնային հարթակ (e-learning)	2-րդ կիսամյակի ավարտ	3-րդ կիսամյակի ավարտ	4-րդ կիսամյակի ավարտ
7.	Ավարտուն աշխատանքի վերբեռնում էլեկտրոնային հարթակ (e-learning)	2-րդ կիսամյակ պաշտպանությունից առնվազն 1 շաբաթ առաջ	3-րդ կիսամյակ պաշտպանությունից առնվազն 1 շաբաթ առաջ	4-րդ կիսամյակ պաշտպանությունից առնվազն 1 շաբաթ առաջ
8.	Թեզի հրապարակային պաշտպանություն ամփոփիչ ատեստավորման հանձնաժողովի նիստում	2-րդ կիսամյակի ավարտ	3-րդ կիսամյակի Ավարտ	4-րդ կիսամյակի ավարտ

くいくしょくしょう 6.

Մագիստրոսական թեզի պատրաստման, ատեստավորման ու պաշտպանության ժամանակացույց (հեռակա ուսուցմամբ՝ ըստ ուսման տևողության)

	Գործողություն Չ	Վերջնաժամկետ		
Nº		1,5 տարի	2 տարի	2,5 տարի
1.	Մագիստրոսական թեզի թեմայի ընտրություն ու հաստատում Գիտական ղեկավարի նշանակում Տվյալների մուտքագրում էլեկտրոնային համակարգեր (SV և e-learning)	1-ին կիսամյակի ավարտ	1-ին կիսամյակի ավարտ	2-րդ կիսամյակի ավարտ
2.	Թեզի կատարման աշխատանքային պլանի (ժամանակացույցի) կազմում Հետազոտության պլանի մշակում Հետազոտության մեթոդների ընտրություն Գրականության վերլուծություն/մշակում Վերոնշյալ գործողությունների վերաբերյալ հաշվետվության մուտքագրում էլեկտրոնային հարթակ (e-learning)՝ ատեստավորման համար	2-րդ կիսամյակի ավարտ	2-րդ կիսամյակի ավարտ	3-րդ կիսամյակի ավարտ
3.	Թեզի հետազոտական մասի կատարում Վերոնշյալ գործողության վերաբերյալ հաշվետվության մուտքագրում էլեկտրոնային հարթակ (e-learning)՝ ատեստավորման համար Ուսանողի կողմից կատարված աշխատանքի վերաբերյալ հաղորդում գիտական սեմինարների ընթացքում	2-րդ կիսամյակի ավարտ	3-րդ կիսամյակի ավարտ	4-րդ կիսամյակի ավարտ
4.	Հետազոտության արդյունքների ամփոփում Թեզի հանձնում ծրագիրն իրականացնող	3-րդ կիսամյակ պաշտպանությունից	4-րդ կիսամյակ պաշտպանությունից	5-րդ կիսամյակ պաշտպանությունից

	ուսումնական ստորաբաժանում	առնվազն 4 շաբաթ առաջ	առնվազն 4 շաբաթ առաջ	առնվազն 4 շաբաթ առաջ
5.	Գիտական ղեկավարի կարծիքի ներկայացում ուսումնական ստորաբաժանում Ուսանողի կողմից գիտական ղեկավարի կարծիքի մուտքագրում էլեկտրոնային հարթակ (e-learning) Թեզի նախապաշտպանություն, էական դիտողությունների առկայության դեպքում՝ մեկ շաբաթվա ընթացքում աշխատանքի լրամշակում	3-րդ կիսամյակ պաշտպանությունից առնվազն 2 շաբաթ առաջ	4-րդ կիսամյակ պաշտպանությունից առնվազն 2 շաբաթ առաջ	5-րդ կիսամյակ պաշտպանությունից առնվազն 2 շաբաթ առաջ
6.	Մագիստրոսական ծրագիրն իրականացնող ուսումնական ստորաբաժանման կողմից աշխատանքի արտաքին գրախոսության կազմակերպում Նախապաշտպանությունից հետո` 2 աշխատանքային օրվա ընթացքում, աշխատանքի ներկայացում արտաքին գրախոսին	3-րդ կիսամյակի ավարտ	4-րդ կիսամյակի ավարտ	5-րդ կիսամյակի ավարտ
	Գրախոսի տվյալների մուտքագրում էլեկտրոնային համակարգ (SV) Գրախոսի կարծիքի ներկայացում ուսումնական ստորաբաժանում պաշտպանությունից առնվազն 3 օր առաջ Ուսանողի կողմից գրախոսի կարծիքի մուտքագրում էլեկտրոնային հարթակ (e-learning)			
7.	Ավարտուն աշխատանքի վերբեռնում էլեկտրոնային հարթակ (e-learning)	3-րդ կիսամյակ պաշտպանությունից առնվազն 1 շաբաթ առաջ	4-րդ կիսամյակ պաշտպանությունից առնվազն 1 շաբաթ առաջ	5-րդ կիսամյակ պաշտպանությունից առնվազն 1 շաբաթ առաջ
8.	Թեզի իրապարակային պաշտպանություն ամ- փոփիչ ատեստավորման հանձնաժողովի նիստում	3-րդ կիսամյակի ավարտ	4-րդ կիսամյակի ավարտ	5-րդ կիսամյակի ավարտ

ՄԻԶՄԱՍՆԱԳԻՏԱԿԱՆ ՄԱԳԻՍՏՐՈՍԱԿԱՆ ԹԵՉ

- 1. Միջմասնագիտական մագիստրոսական թեզը միևնույն ուսումնական տևողություն ունեցող կրթական ծրագրերում (տարբեր ուսումնական ստորաբաժանումներ) սովորող երկու ուսանողի կողմից երկու գիտական ղեկավարի ընդհանուր ղեկավարությամբ իրականացվող հետագոտական աշխատանք է։
- 2. Միջմասնագիտական մագիստրոսական թեզը հետազոտական ու կիրառական նշանակություն ունեցող աշխատանք է, որն արտացոլում է տարբեր մասնագիտական ոլորտներում ուսանողների ձեռք բերած գիտելիքներն ու կարողությունները կիրառելու և միջմասնագիտական ինքնուրույն հետազոտություն կատարելու հմտությունները։
- 3. Միջմասնագիտական մագիստրոսական թեզի թեման հաստատվում է տվյալ ծրագրերն իրականացնող ուսումնական ստորաբաժանումների գիտական խորհուրդներում և ներկայացվում է Ուսումնամեթոդական վարչություն՝ հրամանագրման։
- 4. Միջմասնագիտական մագիստրոսական թեզը նախքան նախապաշտպանությունն անցնում է փորձաքննություն միջամբիոնային հանձնաժողովում, որի հիման վրա հանձնաժողովը տրամադրում է եզրակացություն։
- 5. Միջմասնագիտական մագիստրոսական թեզի նախապաշտպանությունն ու հրապարակային պաշտպանությունն իրականացվում են երկու տարբեր ուսումնական ստորաբաժանմանումների մասնագիտական հանձնաժողովների նիստերում։ Նախապաշտպանության ժամանակ յուրաքանչյուր հանձնաժողովին ներկայացվում են միջամբիոնային հանձնախմբի եզրակացությունն ու երկու գիտական ղեկավարների կարծիքները։
- 6. Միջմասնագիտական մագիստրոսական թեզը ենթակա է արտաքին գրախոսման։ Նախապաշտպանությունից հետո ուսումնական ստորաբաժանումները միջմասնագիտական թեզը ներկայացնում են արտաքին գրախոսման՝ կցելով միջամբիոնային հանձնաժողովի եզրակացությունը, նախապաշտպանություններից հետո համապատասխան հանձնաժողովների կողմից տրված ուղեկցող նամակները՝ թեզի միջմասնագիտական կարգավիձակ ունենալու վերաբերյալ, և երկու գիտական ղեկավարի կարծիքները։
- 7. Միջմասնագիտական մագիստրոսական թեզերի պաշտպանությունն իրականացվում է` համաձայն սույն կարգի պահանջների։